



Ciasa de Palsa Ojöp Frëinademetz A.P.S.P.
Seniorenwohnheim Ojöp Frëinademetz Ö.B.P.B – Residenza per anziani Ojöp Frëinademetz A.P.S.P.
39030 St. Martin in Thurn/San Martino in Badia - Str. Pinis 50
tel. 0474/524700 - fax 0474 523050 - e-mail: info@ciasadepalsa.it
pec: ciasadepalsa@pec.rolmail.net
cod. fisc. – Steuer-Nr.: 81005490214 - partita IVA - Mwst-Nr.: 00554690214

San Martin, ai 30.10.2023

**AVIS DE CONCURS PUBLICH POR EJAMS RESPETIVAMËNTER
MOBILITÉ ANTER ËNC POR LA CURIDA DE POSĆ DE RODE**

Curida de 12 (dodesc) posć de rode sciöche operadú/operadëssa sozio sanitar/a – profil profesional n. 20 dl'acordanza intercompartimentala di 14.10.2013

Dô vijun:

- tl art. 18 dl'acordanza intercompartimentala di 12.02.2008;
 - tl regolamënt dl personal de chësc ënt, aprové cun deliberaziun dl Consëi d'Aministratziun n. 23 dl 01.08.2018;
 - tla L.R. n. 7 di 21.09.2005 tla forma varënta;
- y en esecuziun:
- tla determinaziun dl Diretur dla Ciasa de Palsa „OJÖP FRËINADEMETZ Ö.B.P.B.“ n. 116 di 18.10.2023 jüda en forza;

informëia le Diretur dla Ciasa de Palsa „OJÖP FRËINADEMETZ Ö.B.P.B.“ che al vëgn curí i su-andënc posć de rode tres **concurs publich por ejams y/o mobilité anter ënc** (art. 18 dl'acordanza intercompartimentala di 12.02.2008):

12 posć por

**OPERADÚ/OPERADËSSA SOZIO SANITAR/A
(IV. CUALIFICA FUNZIONALE)
PROFIL PROFESSIONAL N. 20**

De chisc:

- 2 posć a tēmp parzial 50%
 - 3 posć a tēmp parzial 63,16%
 - 4 posć a tēmp parzial 76,32%
 - 2 posć a tēmp plēgn.
- I posć é **resservá al grup linguistich ladin**.

- 1 en post a tēmp parzial 63,16%
- Chësc post é **resservá al grup linguistich talian**.

Por scēmplifiché y por na aministratziun efiziēnta vëgnel scrit fora intrames le prozedōres de assunziun de personal (concurs publich por ejams y mobilité anter i ënc) tal medēm momēnt.

I/Les candidat/tes che fej domanda por la mobilité anter ënc, aladō dl art. 18 dl'acordanza intercompartimentala di 12.02.2008 y art. 20 y 21 dl CC di 04.07.2002, mēss fá en coloch oral ciodoche chisc/chēstes candidat/tes mēss detlaré che ai/ares á bele passé cun resultat positif en concurs publich por chësc profil profesional.

Al concurs vëgn ametüs/des i/les concorēnc/tes de dūc i grups linguistics, independentamēnter da-la resserva di posć nominá dessura, tan inant che ai á i recuisic damaná.

Sce le post ne podess nia gní conferí a n/na candidat/a portignënt/a al grup linguistich preodü, gnará le medem atribuí a n/na candidat/a adaté/tada portignënt/a a n ater grup linguistich tl respet dla normativa varënta en materia de proporzionala etnica.

L'aministraziun garatësc la parité de ël y ëra por gní tuc sö y sön le post de laur instës, aladô dl decret de lege 11.04.2006 n. 198, y dl'aplicaziun dles disposiziuns tla materia dla sconanza di dac preodüs dal Regolamënt EU 2016/679 di 27.04.2016 y mudaziuns suadëntes.

Chësta bandida tègn cunt dla normativa por i soldas dles Forzes Armades Talianes che á rové so sorvisc zënza demiric, aladô dl articul 1014, coma 3 y 4, y dl articul 678, coma 9 dl decret legislatif n. 66/2010, tignin te vigne caje cunt di posc reservá ai singui grups linguistics. Tl caje che al ne si-des nia candidat/tes adatá/ades, che fej pert de chësta categoria, ti vëgn le post dé a n'ater/atra candidat/a adat/ada che é sön la gradatöra.

Chësta bandida vëgn emanada tl respet dles normes che reverda l'assunziun reservada ai invalig y ales categories preodüdes dala lege n. 68 di 12.03.1999.

LA TOMANZA POR LA PRESENTAZIUN DLES DOMANDES DE AMISCIUN É:

11.12.2023, ales 12.00

A) TRATAMËNT ECONOMICH

Le tratamënt economich é metü adüm insciö: paiamënt mensil inicial, eventualmënter classes o scatti, indenité integrativa speziala de lege, indenité dl ladin, indenité de bilinguism, indenité d'istitut, 13^{ma} mensilité y assëgn de familia tla mosöra de lege, tan inant che al speta. Dal paiamënt dit de sura vëgnel trat jö les retignüdes de lege y i contribuc previdenziai y assistenziai.

B) LIMIC DE ETÉ

I/les candidat/tes messará avëi ala data dla tomanza dla bandida na eté nia mëndra de 18 agn.

C) RECUISIC POR L'AMISCIUN

Por l'amisciun al concurs vëgnel damané le posses di recuisic suandënc:

a) titul de stüde:

- diplom dla scora mesana o dla scora elementara y inplü
- diplom da operadú/ëssa sozio sanitar/a

Por l'azess anter mobilité verticala vël ci che scrit tl art. 74 dl'acordanza intercompartimëntala di 12.02.2008, tl art. 24 dl'acordanza de compart di 25.09.2000 y ince tl art. 14 dl'acordanza de compart di 14.10.2013;

b) atestat de trilinguism livel A2 (ex D) aladô dl cader comune europeich de referimënt por i lingac;

c) godimënt di dërc politics;

d) idoneité fisica al implié. L'aministraziun á la faculté da sotmëte a vijita dl dotur de control le/la candidat/a che ciafará le post;

e) posiziun regulara por ci che reverda les oblianzas dl soldá y dl sorvisc militar (por i aspiranc de ses maschil);

f) se avëi detlaré portignënt o agreghé a un di trëi grups linguistics en ocasiun dl'ultima detlraziun de portignënza sciöche preodü dl art. 18 dl DPR di 26.07.1976 n. 752 y variaziuns;

g) zitadinanza taliana o zitadinanza che pois, aladô dles normes varëntes aposta, sostituí chëra taliana;

Al concurs ne pó nia tó pert chi che:

- é stluc fora dal eletorat atif o che
- é gnüs destituis o aledíá dal laur pro na aministraziun publica,
- é gnüs detlará decadüs por avëi ciafé le laur cun la produziun de documënc falc o viziá da invalidité insanabla,

- y ince chi che é rová tl'interdiziun dai ofizi publics mo ma por la perioda preodüda da sentënza passada en iudicat.

Por i/les candidat/tes che damana por mobilité:

i) avèi en post de laur cun raport a tēmp indeterminé (dependēnt de rode) pro na aministraziun publica aladô dl art. 18 dl'acordanza intercompartimentala di 12.02.2008 y art. 20 y 21 dl CC di 04.07.2002;

I requisic prescric mëss ester danman ala data de tomanza por la presentaziun de domandes de amisciun al concurs.

D) DOMANDA DE AMISCIUN

La domanda de amisciun al concurs cun la documentaziun, mëss rové te secretariat dla Ciasa de Palsa Ojöp Frëinademetz A.P.S.P. anter le termo stabilí dessura. La data de presentaziun dla domanda é determinada dal timber a data metüs dala Ciasa de Palsa. Al concurs ne vëgnel nia ametü i/les candidat/tes de chi che la domanda rōia ite do le termo stabilí. An conscidreia te vigni caje rovides ite por tēmp les domandes menades anter le termo stabilí tres lëtra racomanada. Al ne fej nia fede le timber cun la data dl'ofize dla posta azetant.

Por podëi tó pert al concurs pó i/les candidat/tes scrí fora autozertificaziuns aladô dla normitiva varēnta, scion fora te dōtes sües perts le formular che fej pert integranta de chësta bandida.

Le formular por la domanda ciafon ti ofizi dla Ciasa de Palsa y pó gní descarié jö dala plata internet istituzionala www.ciasadepalsa.it.

En alternativa pó i/les candidat/tes presenté la domanda de amisciun al concurs scritta fora sön papier scēmpl zēnza marca da bol, che mëss gní firmada dal/a candidat/ta.

Sce la domanda vëgn dada jö cun PEC (posta elettronica certificada) vëgnel fat referimēnt al punt E) de chësta bandida.

Ala domanda de amisciun mëssel gní injunté, te na busta stlūta, anter le termo preodü por dé jö la domanda, chësta documentaziun:

1. zertificaziun revardēnta la portignēnza o agregaziun a un di trëi grups linguistics.

- **Zitadins/nes talians/nes residēnc/tes tla Provinzia Autonoma de Balsan:**

Al fin de comprové la portignēnza o l'agregaziun a un di grups linguistics, mëss chisc/chëstes candidat/tes porté la zertificaziun ma te na busta stlūta relasciada aladô dl coma 3, art. 20. dl DPR 26 iuli 1976, n. 752, pēna l'esclujun dal concurs.

Chësta zertificaziun ne pó nia ester de data dan sis mëisc dal termo por la presentaziun dles domandes. Al é proibí ai zitadins/nes talians/ns **residēnc/tes tla Provinzia de Balsan** da comprové la portignēnza o l'agregaziun a un di trëi grups linguistics cun autozertificaziun.

- **Candidat/tes nia residēnc/ēntes tla Provinzia Autonoma de Balsan:**

(1) Aladô dl art. 1 dl Decret dl Presidēt dla Junta Provinziala di 31.03.2017, nr. 10, á les porsones nia residēntes dla Provinzia de Balsan aladô dl art. 20/ter, coma 7/bis dl Decret dl Presidēt dla Republica di 26.07.1976, nr. 752, te sūa verjiun varēnta (zitadins de n ater stat mēmbler dla Uniun Europeica y sü familiars, che n' é nia zitadins de n stat comēmbler, tan inant che ai á na lizēnza de sojornanza o le dērt de sojornanza permanēnta, sciöche ince zitadins de paisc terc che á por dērt na lizēnza de sojornanza dla UE por sojornanzas a tēmp lunch o che é tla condiziun de profugs o respetivamēnter la condiziun de proteziun sussidiara reconosciüda), ince sce ares á la zitadinanza taliana, le dērt da dé jö la detlaraziun de portignēnza y l'atestaziun relativa a un di trëi grups linguistics cina la prōma proa dl concurs.

(2) Sce öna de chëstes porsones ó tó pert al concurs y sce ara ó pretēne de chësc dērt aladô dl art. 2 dl decret dl Presidēt dla Junta Provinziala di 30.03.2017, nr. 10 nominé, ára le dovëi da le dé dant espressivamēnter tla domanda de amisciun al concurs.

(3) Te chësc caje ne pó la prōma proa dl concurs nia mēte man dan les 12.00 dl de stabilí por la proa.

2. Recioiüda de Euro 15,00.- por la tassa de concurs. Chësc import mëss gní paié ite al tesorer dla Ciasa de Palsa Ojöp Frëinademetz A.P.S.P., pro la Cassa Raiffeisen Val Badia – IBAN: IT 57 C 08010 58830 000304022505.

Le/la candidat/a mëss firmé la domanda de amisciun dan le dependēnt inciarié.

Sce la domanda de amisciun gnará menada por posta o nia dada jö de porsona dal/dla candidat/a, mëssele gní injunté a chësta na fotocopia de n document de reconescimënt varënt.

Düc i documënc che é bele tla Ciasa de Palsa Ojöp Frëinademetz y che dess gní tuc en conscidraziun por la valutaziun dla domanda, mëssele gní cumpedá sö te chësta.

Düc i documënc injuntá ala domanda mëssele ester specificá te na lista apostá sön papier scëmpl da injunté, firmada, ala domanda.

Aladô dla lege n. 370 di 23.08.1988 n'é la domanda de amisciun al concurs y ince i documënc injuntá ala medema nia sotmetüs a cuta dl bol.

La partezipaziun al concurs mët danfora l'azetaziun zënza reserves da pert di/dles candidat/tes de dotes les prescriziuns de chësta bandida, les disposiziuns de lege, i regolamënc en forza y dl dagní che l'aministrazion oress dé fora.

E) PRESENTAZIUN DLA DOMANDA DE AMISCIUN CUN PEC (posta elettronica certificada)

Les domandes dades jö tres PEC mëssele gní ortiades a chësta misciun:

ciasadepalsa@pec.rolmail.net

deboriada cun la documentaziun damanada te format PDF, TIF, o JPEG (ater co la certificaziun revardëta la portignënza o agregaziun a un di trëi grups linguistics che mëssele gní dada jö te na busta stlütá aladô dles modalitës di punc 1 y 2):

1) con lëtra racomanada ortiada – o sorvisc de condüta - ala Ciasa de Palsa Ojöp Frëinademetz A.P.S.P., Str. Pinis 50, 39030 San Martin de Tor (BZ);

2) diretamënter tl' aministrazion dla Ciasa de Palsa Ojöp Frëinademetz, Str. Pinis 50, 39030 San Martin de Tor (BZ);

Por ci che reverda les domandes menades cun posta elettronica certificada (PEC) fej fede le de che la domanda é gnüda ortiada dal/dala candidat/a.

L'aministrazion ne surantol degüna responsabilité por problems tla trasmisciun informatica y de indicaziuns falades da pert dl/dla candidat/a, o sce la misciun o le mudamënt de chësta ne vëgn nia dá dant tla domanda.

F) AMISCIUN/ESCLUJUN

Le diretur dla Ciasa de Palsa, sciöche responsabl dl prozedimënt, tol la dezijiun, aladô dles domandes y di documënc presentá, en cunt dl'amisciun o dl'esclujun di/dles candidat/tes al concurs.

Dal concurs vëgn stlüt fora i/les candidat/tes che:

- a) n é nia en posses de un o de plü recuisic indicá al punt C) dit dessura;
- b) presentëia la domanda do le termo o
- c) zënza firma o
- d) ne regolarisëia nia la domanda anter le termo fissé dal'aministrazion.

G) PROES D'EJAM

I/Les candidat/tes ametüs/des al concurs messará sostigní na proa scritta y na proa orale/pratica. L'aministrazion dla Ciasa de Palsa Ojöp Frëinademetz n'é nia obliada a mète a disposiziun di/dles candidat/tes la documentaziun revardëta les proes d'ejam.

Proa scritta:

la proa scritta reverda le/i argomënt/c suandënt/c:

1. Compic de en operadú/na operadëssa sozio sanitar/a
2. la Ciasa de Palsa: finalité - destinatars – organizaziun generala dl sorvisc
3. Deliberaziun dla Junta Provinciala di 18 de dezëMBER 2018, n. 1419 (modificada cun la deliberaziun n. 806 di 21.09.2021, la deliberaziun n. 421 di 14.06.2022 y la deliberaziun n. 741 di 05.09.2023)
4. reordinaziun di sorvisc soziai tla Provincia da Balsan cun atenziun particolare ai sorvisc stazio nars (Lege Provinciala dl 30 d'aurí 1991 n. 13)
5. oblianzas de sorvisc y regoles de comportamënt de n dependënt public

6. legislaziun tl ciamp dla sconanza di dac (Regolamënt EU GDPR n. 679/2016)
7. legislaziun tl ciamp dla sigürté sön le laur y pröm aiüt

Proa orala/pratica:

La proa orala reverda les materies dla proa scritta.

Na eventuala proa pratica reverda le ciamp de laur y i dovëis de en operadú/na operadëssa sozio sanitar/a.

Les proes d'ejam pó gní fates tal linganz todësch, talian o ladin, aladô de ci ché é gnü detlaré tla domanda d'amisciun al concurs.

H) DIAR Y MODALITÉS DE DESFIRADA DLES PROES

Danter l'invit scrit ala proa d'ejam y la data dla medema mëssel passé na perioda nia mëndra de 15 dis.

L'invit vëgn fat cun lëtra racomanada cun avis de recioiöda, PEC o ti vëgn surandé diretamënter ai/ales candidac/tes. Tl caje de avis de recoiöda nia sotescrit dal destinatar, veel a düc i efec sciö-che data de recioiüda chëra metüda söl avis dal funzionar dla posta.

Ales proes mëss i/les candidac/tes se presenté cun n documënt varënt de reconoscimënt.

Ala proa orala/pratica gnará ametüs/des i/les candidac/tes che á superé les proes preandëntes.

L'assënza da un di ejams – anfat cara che sides la gauja – comporta l'esclujun dal concurs.

I/Les concorënc/tes che porta papier da scrí, anotaziuns, manoscric, libri y publicaziuns nia espressamënter conzedüs dala comisciun d'ejam, vëgn stlüc fora dal concurs

I) FORMAZIUN DLA GRADATÖRA:

La comisciun iudicatar, rovides les operaziuns dl concurs, forma aladô dles somes di punc arjunc dai/dles candidac/tes tla valutaziun dles proes y osservades les desposiziuns de chëres aladô dla lege 12.03.1999, n. 68, revardëntes l'assunziun obligatoria de porsones cun handicap pro les amnistraiuns publiches, la gradatöra di/dles candidac/tes aratá/des idonei/s.

Al gnará fat döes gradatöres separades:

- öna por i/les candidac/tes idonei/s che passa por mobilité danter ënc
- y öna por i/les candidac/tes idonei/s che fej le concurs publich por ejams.

A parité de punc vel les preferënzes stabilides dal'art. 5 del Test Unich aprové cun D.P.R. n. 487/1994 te forma varënta.

I/Les candidac/tes idoeis/s dla gradatöra por la prozedöra de mobilité anter enc aladô dl art. 18 dl'acordanza intercompartimëntala di 12.02.2008 y art. 20 y 21 dl CC di 04.07.2002 á la prezen-dënza ti confrunc di/dles candidac/tes che passa tl concurs por ejams por la curida dl post che vëgn bandí, tres tignin cunt a ci grup linguistich che le post é assegné.

I/Le candidac/tes che ciafa l'idoneité tles prozedöres concursuales pó gní nominá/des en proa, tl respet dla gradatöra de merit y dla disciplina söla proporzionala etnica, sce al se verifichëia posc lëdi, de assunziuns a tëmp determiné o de assunziuns por sostituziun anter trëi agn dal'aproaziun dla gradatöra;

J) NOMINAZIUN

La nominaziun ti vëgn comunicada al/ala davagnadú/dëssa cun indicaziun dla data olache al/ara mëss mëte man le sorvisc, che vëgn te vigni caje prolungiada por le tëmp preodü dal contrat por les demisciuns dal laur curí, por na perioda dessigü nia sura i trëi mëisc.

Le/La davagnadú/dëssa mëss fa rové por scrit anter 15 dis do avëi ciafé la comunicaziun dla nomi-naziun l'azetaziun de chësta. En manciaza de chësta detlaraziun esplizita y tempestiva vëgnel conscidré/ada renunziatar/a al post.

Le/La candidat/a che ciala la nominaziun müss presenté denanco mète man le sorvisc (sce chësc ne sozed nia, tomel le dërt ala nominaziun), i documënc che desmostra le possés di recuisic scric dant dala bandida, ater co chi che le posses vëgn azerté d'ofize dal'aministraziun.

Cun le/la davagnadú/dëssa dl concurs che á dé jö regularmënter la documentaziun, vëgnel stlüt jö n contrat de laur a tēmp indeterminé che prevëiga na perioda de proa de 6 mëisc. L'assunziun pëia ia a vigni efet dal de, en chël che le/a davagnadú/dëssa mët man efetivamënter le sorvisc.

Le/La davagnadú/dëssa dl concurs sotscri anter chësta data le contrat individual de chël che al ti gnará dé na copia.

Le contrat de laur vëgn anulé atira, sce le dependënt ne mët nia man le sorvisc ala data fissada tl contrat, stlüt fora i caji de maiú forza y l'assëns dl superiur competënt.

Stlüt fora dl laur vëgn chi che á arjunt l'assunziun cun presentaziun de documënc falc o iregolars, che contëgn na invalidité nia sanabla o basëia sön detlaraziuns nia veritores.

Cun chësc concurs vëgnel ma curí i posc metüs a concurs.

Le/La candidat/a che ciala la nominaziun müss presenté anter le termo de 30 dis do che al/a á cialfé la comunicaziun dla nominaziun, a pëna dla decadënza, le certificat de na costituziun fisica sana y sterscia, relascé dal Ofize Sanitar dl Comun de residënza o dal Dotur Provincial o da n Dotur Militar, che atestëia l'assënza de imperfeziuns che pois te vigni caje menomé l'idoneité fisica dl/a davagnadú/dëssa. La Ciasa de Palsa Ojöp Frëinademetz se resservëia la faculté de sotmète a vijita dl dotur chi che gnará tuc sö tl laur.

K) TRATAMËNT DI DAC PERSONAI

I dac personai di/dles candidac/tes vëgn tratá dal titolar "Ciasa de Palsa Ojöp Frëinademetz A.P.S.P." tl respet dl Regolamënt EU 2016/679 y dla normativa de lege en forza. Les informaziuns aladô dl art. 13 é da odëi söla plata internet dla Ciasa de Palsa: <http://www.ciasadepalsa.it/it/sw/506/privacy> (Informativa sul trattamento dei dati personali per le assunzioni e la gestione del rapporto di lavoro art. 13 Reg. UE 2016/679) o pó gní damanades al numer te telefon 0474-524700 o por e-mail a info@ciasadepalsa.it.

L) RESSERVA

Por motifs de interes public se resservëia l'aministraziun la faculté insindacabla de prolungé le termo de tomanza de chësc concurs o ince de revoché chësc concurs o de daurí danü le termo de tomanza do l'avëi stlüt, dagnora che les operaziuns por so espletamënt ne ais nia ciamó metü man.

M) RENVIADA

Por ci che n'é nia preodü esplizitamënter da chësta bandida, féjon referimënt ales normes de lege varëntes en materia y ince al regolamënt organich dla Ciasa de Palsa "Ojöp Frëinademetz".

L'aministraziun ne suratul degöna responsabilité tl caje che comunicaziuns vais a perde por gaujes nia imputables a d'ëra.

La partezipaziun al concurs comporta l'assëns esplizit dl/la candidat/a da adoré i dac personai da pert dl'aministraziun y la tuta en vijun di medems da pert de d'atri concorënc.

Por d'atres informaziuns y le fac-simil dla domanda de amisciun al concurs pó i interessá jí te secretariat dla Ciasa de Palsa Ojöp Frëinademetz (39030 San Martin de Tor, Str. Pinis 50 y al nr. Tel. 0474-524700, www.ciasadepalsa.it). La domanda de amisciun al concurs pó ince gní descíariada jö dala plata internet: www.ciasadepalsa.it .

Le DIRETUR
F.mé: Valentin Erlacher
sotescrit digitalmënter